

Bersama
Kanak-kanak II


Ajar

- 1139 Hasan orang Banjar,
Kerja jaga kedai;
Guru pandai ajar,
Murid cepat pandai.
- 1140 Bela ayam serama,
Tidak ada salah;
Pergi belajar agama,
Selepas balik sekolah.
- 1141 Kucing kami jinak,
Ekor goyang-goyang;
Ibu ajar anak,
Penuh kasih sayang.
- 1142 Kucing kena kejar,
Oleh ibu buruk;
Sifat kurang ajar,
Tanda perangai buruk.

Akal

- 1143 Duduk rehat-rehat,
Pada petang hari;
Akal tidak sihat,
Boleh bahaya diri.
- 1144 Adik letak basikal,
Bawah pokok ara;
Orang tajam akal,
Bijak apabila bicara.

1145 Bawah rendang ceri,
 Ia sentiasa redup;
Akal Allah beri,
 Untuk bantu hidup.

1146 Adik bawa bekal,
 Kuih air cincau;
Orang kurang akal.
 Suka cakap meracau.

Aman

1147 Pindah padi semai,
 Ia ambil masa;
Hidup aman damai,
 Harapan semua bangsa.

1148 Rumah dalam taman,
 Keliling kawasan padi;
Hati tidak aman,
 Kerja tidak jadi.

1149 Buat kuih inti,
 Bentuk bulat-bulat;
Aman rasa hati,
 Apabila selesai solat.

1150 Tanam tepi laman,
 Pokok ulam raja;
Duduk dalam aman,
 Senang buat kerja.